

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1635 del 23/06/2021

Traduzione in ladino

“Vazineete tel week end” a Pinzol e a Sèn Jan

Va inant la campagna de vazinazion tel Trentin che encomai l'à passà via de garat la 400.000 doses dates fora con neves apuntaments. Chest fin de setemèna defat orirà i zentres de vazinazion de Pinzol e de Sèn Jan endrezé da la Federazion trentina de la Cooperazion, aldò de n projet metù a jir adum col Coordenament imprenditores e co l'Azienda provinzièla per i servijes sanitèrs. “La campagna de vazinazion fèsc n auter vèrech inant – l'é l coment de l'assessora a la sanità, politiches sozièles, pediments e familia Stefania Segnana – defat de gra al contribut prezious de la Cooperazion, en sabeda e en domenia sarà a la leta doi neves zentres de vazinazion a sostegn di raions da mont. La endesfida contra l Coronavirus va inant, ma l'é na endesfida che podon venjer demò se tegnon adum, col didament de duta la pèrts de la sozietà e, soraldut, col ge sporjer servijes a nesc sentadins ence te la valèdes: i zentres per i vazins metui a jir a Pinzol e a Sèn Jan va de chest vers, i vel meter a la leta n servije slarià fora per n gran trat de ores. Se vzinèr l'é na responsabilità de duc, l'é de besegn de l fèr per meter en segureza nosc teritorie e, tinultima, duc nos”.

L zenter per i vazins de Pinzol l'é en Via della Pace 10, ló da la palestra de la scoles mesènes, e chel de Sèn Jan l'é ló da la palestra de comun te Strada de la Veisc. N grop de profesionis de la Cooperazion deida l'Azienda Sanitèra locala per smaorèr la coridura vazinala trentina. I dis e i oraries pervedui l'é en sabeda ai 26 e en domenia ai 27 de jugn 2021 da les 9 da doman a les 6 da sera.

La prenotazions vegn fates tras 1 cup online de Apss:

<https://cup.apss.tn.it/webportal/vaccinocovid/main/home>

Traduzion di Servijes Linguistics e Culturèi del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)